

19. fundur haldinn í sveitarstjórn Langanesbyggðar fimmtudaginn 17. mars. 2011 kl.17:00 á skrifstofu Langanesbyggðar.

Mætt voru: Siggeir Stefánsson oddviti, Indriði Þóroddsson, Reimar Sigurjónsson, Ævar Rafn Marínósson, Nanna Höskuldsdóttir, Jóhanna Helgadóttir og Gunnólfur Lárusson sveitarstjóri, sem ritaði fundargerð á tölvu. Oddviti bauð fundarmenn velkomna og spurði hvort einhverjar athugasemdir væru gerðar við fundarboð. Oddviti óskaði eftir því að fá að setja inn tvær nýjar fundargerðir, fundargerð fræðslunefndar dags 12.01.2011 sem yrði nr. 7 og fundargerð fræðslunefndar dags.03.02.2011 sem yrði nr. 8 og aðrir dagskráliðir breytast í samræmi við það. Liður nr. 4, fundargerð Nausts er tekin út.

Samþykkt samhljóða.

1. Guðmundur Vilhjálmsson óskaði eftir að fá að tjá sig út af aðalskipulagi Langanesbyggðar 2007-2027 og bauð oddviti hann velkominn. Guðmundur vék af fundi kl.17:21
- 2 **Fundargerð sveitarstjórnar dags. 03.03.2011**
Lögð fram til kynningar.
- 3 **Fundargerð USB dags.09.03.2011**
Fundargerðin samþykkt samhljóða.
- 4 **Fundargerð íþróttá- og tómsundanevndar dags.22.02.2011**
 - Í lið fjögur í fundargerðinni mælir nefndin með því að HSP sæki um unglíngalandsmót fyrir 2013 eða 2014 jafnframt óskar nefndin eftir því hvað vanti hér á svæðið til að halda slíkt mót og kostnað við það. Samþykkt að fela nefndinni að vinna í því.
 - Í lið átta samþykkir nefndin framlagða tillögu af gjaldskrá þó með þeirri breytingu að sund fyrir börn verði miðuð við 6-12 en ekki 6-14 ára Sveitarstjórn óskar eftir frekari rökstuðningi gagnvart breytingu á gjaldskránni.
 - Í lið níu er verið að óska eftir því að athuga hvað það mundi kosta að lengja opnunartíma á laugardögum og jafnvel á sunnudögum. Sveitarstjóra falið að kanna það. Samþykkt samhljóða.
Fundargerðin í heild sinni samþykkt samhljóða.
- 5 **Fundargerð USB dags. 17.03.2011**

Í fundargerðinni eru tillögur USB til sveitarstjórnar vegna aðalskipulags, mikil umræða fór fram um tilögunar .
Fundargerðin verður tekin til afgreiðslu undir lið 11 og bókast þar í heild sinni
Samþykkt samhljóða.
- 6 **Fundargerð fræðslunefndar dags. 12.01.2011**
Samþykkt samhljóða .
- 7 **Fundargerð fræðslunefndar dags.03.02.2011**
Samþykkt samhljóða
- 8 **Skýrsla sveitarstjóra.**
Sveitarstjóri flutti skýrslu sína og svaraði fyrirspurnum.
 - Sveitarstjóri fór yfir að eftirfarandi bókun vegna Vaðlaheiðaganga hafi verið send þingmönnum kjördæmisins og fréttastofum.
Sveitarstjórn Langanesbyggðar fagnar þeim áfanga að göng undir Vaðlaheiði séu að verða að veruleika. Vinna að undirbúningi Vaðlaheiðargangna er öllum þeim sem að hafa komið til mikillar fyrirmyndar en Vegagerðin, fyrrverandi samgönguráðherra og núverandi

innanríkisráðherra, þingmenn svæðisins, Eyping og sveitarfélög á svæðinu hafa unnið saman að miklum heilindum að gera göngin að veruleika.

Göng undir Vaðlaheiði munu skipta mjög miklu máli fyrir Þingeyjarsýslur og allar samgöngur á norðausturlandi ásamt því að bæta samgöngur á milli austur og norðurlands. Fyrir þá sem þurfa að sækja margþætta þjónustu af norðausturlandi til Akureyrar þá mun þessi áfangi bæta umferðaröryggi, stytta vegalengdir og fækka þeim dögum sem ekki er fært vegna veðurs eða ófærðar á hverjum vetri. Af öryggisástæðum eru bættar samgöngur en meira áriðandi fyrir þetta svæði að ekki er þyrslusveit staðsett á Akureyri eða nágrenni til að bregðast fljótt við neyðaraðstoð sem upp geta komið á norðausturlandi.

Samþykkt samhljóða.

- Bréf dags. 11.03.2011 frá Sigurði R. Kristinssyni þar sem hann talar um að á fundi sveitarstjórnar þann 22.06.2010 óskaði hann eftir lausn frá störfum í sveitarstjórn í óákveðinn tíma en í eitt ár hið minnst af heilsufarsástæðum. En tekur fram í bréfinu að í ljósi stórbættrar heilsu sinnar og ódrepani áhuga á sveitarstjórnarmálum óski hann eftir því að taka aftur sæti sitt í sveitarstjórn nú þegar. Sveitarstjórn fagnar stórbættari heilsu Sigurðar. Samþykkt með 5 atkvæðum að Sigurður tæki sæti sitt frá og með næsta fundi, tveir sátu hjá.
- Bréf lagt fram frá Dawid Potrykus dags. 17.03.2011 þar sem hann óskar eftir rökstuðningi vegna bréfs sem lagt var fyrir sveitarstjórn þann 3. mars s.l. sveitarstjóri leggur til að rökstuðningur liggi fyrir næsta sveitarstjórnarfund. Samþykkt samhljóða
- Samþykkt var að setja eftirtaldar íbúðir á sölu Vesturveg 6b, Vesturveg 10a, Pálmholt 10 og Langholt 6. Samþykkt samhljóða.
- Sveitarstjóra falið að fá tilboð í þarfagreiningu vegna skólahúsnaðis í Langanesbyggð. Samþykkt samhljóða.

9 Fundarboð á aðalfund Hafralónsá.

Óskað er eftir umboði frá sveitarfélaginu vegna aðalfundar, sveitarstjórn tilnefni Jónas Lárusson til að fara með umboð Langanesbyggðar á aðalfundinn .

Samþykkt samhljóða.

10 Bréf frá foreldrafélagi leikskólans Barnabóls dags. 15.03.2011

Í bréfi foreldrafélagsins er verið að óska eftir því að sú hækkun sem átti sér stað verði lækkuð úr 20% niður í 10% og jafnframt því að systkinaafsláttur verði hækkaður en í dag er hann 15% . Sveitarstjórn samþykkir rök foreldrafélagsins og með hækkunina og samþykkir að hækkunin verði einungis 10% og að afsláttur með öðru barni verði 25% og 50% með þriðja barni. Samþykkt samhljóða og erindinu vísað til endurskoðun fjárhagsáætlunar.

11 Aðalskipulag Langanesbyggðar.

Sveitarstjórn fór yfir tillögur umhverfis-, skipulags- og byggingarnefnd Langanesbyggðar og vinnuferli og stöðu mála á aðalskipulagi Langanesbyggðar 2007-2027

Í aðalskipulagi Langanesbyggðar 2007 – 2027 felst endurskoðun á aðalskipulagi Skeggjastaðahrepps 2004-2024 og aðalskipulagi Þórshafnar 2003-2023. Við staðfestingu nýs aðalskipulags falla eldri aðalskipulög úr gildi.

Vinna við skipulagið hófst á vordögum 2007 en í ljósi skýrslu um Drekasvæðið og möguleika sveitarfélagsins vegna fyrirsjáanlegrar auðlindanýtingar þar og við Grænland var ákveðið að endurskoða forsendur skipulagsins í upphafi árs 2009.

Skipulagstillagan er unnin í samræmi við 4. mgr. 9. gr. og 1. mgr. 17. gr. skipulags- og byggingarlaga nr. 73/1997 þar sem segir:

„Við gerð skipulagsáætlana skal eftir föngum leita eftir sjónarmiðum og tillögum íbúa og annarra þeirra sem hagsmuna eiga að gæta um mörkun stefnu og skipulagsmarkmið.“

„Áður en tillaga að aðalskipulagi eða verulegum breytingum á því er tekin til formlegrar afgreiðslu í sveitarstjórn skal tillagan, markmið hennar og forsendur kynnt íbúum sveitarfélagsins á almennum fundi eða á annan fullnægjandi hátt. Skal kynningin auglýst með áberandi hætti. Einnig skulu tillögurnar kynntar sveitarstjórnnum aðliggjandi sveitarfélaga.“

Umhverfis-, skipulags- og byggingarnefnd hefur haft umsjón með verkefninu í samstarfi við sveitarstjóra og skipulagsráðgjafa.

Náin og góð samvinna við íbúa og aðra hagsmunaaðila hefur verið höfð að leiðarljósi við gerð skipulagsins. Séð var til þess að skipulagstillagan væri aðgengileg íbúum bæjarfélagsins og öðrum sem hagsmuna eiga að gæta á vef sveitarfélagsins.

Fjölmargir almennir fundir hafa verið haldnir. Fyrstu hugmyndir að aðalskipulagi sem tekur mið af breyttum forsendum voru kynntar á almennum fundi boðuðum af iðnaðarráðherra í lok janúar 2009. Í framhaldi voru haldin almenn íbúafing bæði á Þórshöfn og á Bakkafirði í apríl 2009 og í framhaldi í september sama ár. Voru þingin vel auglýst.

Tillaga að aðalskipulagi, að teknu tilliti til athugasemda og ábendinga á íbúafingum, var kynnt á almennum íbúafundum á báðum þéttbýlisstöðum 25. febrúar 2010. Í framhaldi af þeim fundum voru gerðar nokkrar breytingar, m.a. á hafnarsvæðinu á Þórshöfn. Tillagan var síðan send til lögbundinna aðila, alls 13 talsins, til samráðs og umsagnar í mars 2010.

Aðalskipulagstillagan var auglýst með formlegum og lögbundnum hætti þann 7. okt. 2010 með athugasemdafresti til 18. nóvember 2010. Á þeim tíma var skipulagstillagan aðgengileg á skrifstofum sveitarfélagsins á Þórshöfn og á Bakkafirði auk heimasíðu sveitarfélagsins - <http://www.langanesbyggd.is>. Einnig lá hún frammi hjá Skipulagsstofnun. Fjórar athugasemdir bárust á auglýsingartímanum.

Búið er verið að vinna að svörum við athugasemdunum sem bárust og var unnið við það á fundi Umhverfis-, skipulags- og byggingarnefnd 9. mars er gert ráð fyrir að tillaga að svörum verði kláruð á fundi Umhverfis-, skipulags- og byggingarnefnd 17. mars og síðan lögð fyrir sveitarstjórn sama dag. Í framhaldi af þeim afgreiðslum verður þeim sem gerðu athugasemdir svarað með formlegum hætti.

Svör við athugasemdum og hugsanlegar breytingar á auglýstri tillögu ber í framhaldi af afgreiðslu sveitarstjórnar að auglýsa opinberlega. Að því loknu verður skipulagið sent Skipulagsstofnun til staðfestingar.

Staðfest skipulag mun liggja fyrir um miðjan apríl.

1. Athugasemdir við Aðalskipulag Langanesbyggðar.

Fjórar athugasemdir bárust fyrir auglýstan athugasemdafrest sem var 18. nóvember 2010, tvær athugasemdir bárust eftir auglýstan frest, þ.e. önnur þann 16. mars 2011 og hin þann 17. mars 2011.

I. Eftirfarandi athugasemd bárust frá eigendum Fjarðarvegar 7, Þórshöfn vegna auglýsingar um aðalskipulag Langanesbyggðar 2007-2027

Samkvæmt aðalskipulagi Langanesbyggðar sem nú er til kynningar er fasteignin Fjarðarvegur 7 merkt sem “hús til niðurrifs“. Við eigendurnir höfum á undanförunum árum unnið að viðhaldi og endurbótum á húsinu og hyggjumst halda því áfram . Við erum í engum hugleiðingum um að rífa húsið. Við förum því þess eindregið á leit að umrædd merking verði máð af skipulagsuppdrættinum.

Umhverfis- skipulags- og byggingarnefnd Langanesbyggðar fagnar framtaki eigenda hússins nr. 7 við Fjarðarveg og áformum þeirra um lagfæringar á húsinu og samþykkir að endurskoða tillögu að aðalskipulagi þannig að ákvæði um niðurrif séu felld af húsinu.

Samþykkt samhljóða

II. Pann 21. október 2010 barst eftir farandi athugasemd frá eiganda að Hellulandi vegna auglýsingar um aðalskipulag Langanesbyggðar 2007-2027

Undirrituð gerir athugasemdir við að ekki komi fram í texta Aðalskipulags Langanesbyggðar 2007-2027, greinargerð og umhverfisskýrslu ,að nytjaskógræktarsamningur við Austurlandsskóga , um 96 ha. Lands úr jörðinni Hellulandi í Langanesbyggð , er í gildi . Sjá meðfylgjandi uppdrátt af samningsbundnu svæði. Einnig geri ég athugasemd við að áður nefnt samningsbundið skógræktarsvæði skuli vera skipulagt sem athafna- og iðnaðarsvæði á Aðalskipulagi Langanesbyggðar 2007-2027.

Umhverfis-, skipulags- og byggingarnefnd Langanesbyggðar þakkar ábendingu um nytjaskógrækt í landi Hellulands. Nefndin getur ekki fallist á breytingu á afmörkun athafna- iðnaðar- og hafnarsvæði í Finnafirði en styður skógrækt ofan og umhverfis svæðisins og mun gera breytingu á skipulagsgögnunum í samræmi við það

Samþykkt með 6 atkvæðum og einn sat hjá.

III Pann 17. nóvember 2010 bárust eftirtalдар athugasemdir frá eiganda Syðra-Lóns og fjölskildu vegna auglýsingar um aðalskipulag Langanesbyggðar 2007-2027 með vísan í auglýsingu um tillögu að Aðalskipulagi Langanesbyggðar, viljum við koma með eftirfarandi athugasemdir.

1. Svæði undir íbúðabyggð er skilgreint í eignarlandi Syðra-Lóns norðan landamerkja Þórshafnarlands og Syðra-Lóns. Þessu höfnum við alfarið og óskum eftir að tillögunni verði breytt á þá lund að svæðið verði skilgreint til landbúnaðarnota, enda er Syðra-Lón lögbýli.
2. Veglína nýs Brekknaheiðarvegar er skilgreind í sveig inn í landareign Syðra-Lóns, við óskum eftir að veglínan verði færð úr landareigninni.
3. Svæði þar sem eru ræktuð tún og annað ræktarland Syðra-Lóns er samkvæmt tillögunni merkt sem opið svæði með göngustígum, þessu er alfarið hafnað, enda er svæðið í landbúnaðarnotum og stendur ekki til að breyta því.

Umhverfis-, skipulags- og byggingarnefnd Langanesbyggðar þakkar athugasemd við auglýsta tillögu að aðalskipulagi Langanesbyggðar. Nefndin bendir á að aðalskipulag er stefna sveitarstjórnar til næstu 20 ára. Vegna þeirra miklu uppbyggingar sem fyrirhuguð er í Finnafirði er nauðsynlegt að marka stefnu um byggðaþróun. Jafnframt er það sveitarfélaginu nauðsynlegt að samgöngumannvirki séu byggð upp samhliða.

*Nefndin fellst á að gera eftirfarandi breytingar á aðalskipulaginu vegna athugasemdanna:
Á þéttbýlisupprætti aðalskipulagstillögunnar:*

- *Íbúðarsvæði norðan landamerkja við Syrða-Lón er felld út af upprætti.*
- *Græn umgjörð um Syðra-Lón er felld út sem og græn afmörkun fyrirhugaðra byggingarsvæða á jörðinni.*
- *Gerð er tillaga að bættri mörkun náttúruminjasvæðisins. Afmörkun svæðisins eins og hún er á fyrri tillögunni kemur úr gögnum Umhverfisstofnunar. Það er verið að vinna í endurskilgreiningu afmörkunnar hjá UST í samræmi við textalýsingu. Upprætti verður breytt í samræmi við þeirra gögn.*
- *Vegur frá Langanesvegi að flugvelli er sýndur eins og hann er í dag.*
- *Jörðin Syrða-Lón fær landnotkunar skilgreininguna landbúnaðarsvæði.*

Nefndin fellst ekki á aðrar breytingar þannig að

- *Þjóðvegur er áfram á upprætti. Það er álit Umhverfis-, skipulags- og byggingarnefndar Langanesbyggðar að veglínan þjóni best hagsmunum íbúa sveitarfélagsins með tilliti til umferðaröryggis í og umhverfis þéttbýlið á Þórshöfn, veðurfars, tengingar á við atvinnusvæði í Finnafirði og tengingar við flugvöllinn. Nefndin getur því ekki fallist á breytingu á aðalskipulagstillögunni.*
- *Flugvöllur og athafnasvæði við flugvöll eru óbreytt. Nefndin telur það mjög mikilvægt vegna uppbyggingar í Finnafirði að stækkunarmöguleikar flugvallarins séu inná staðfestu skipulagi.*
- *Vegtenging er sýnd við gróðurbeltið norðan Stórholt til að tengja Langanesveginn við framtíðar íbúðarbyggð austan læks*

Greinargerð:

Greinargerðinni verður breytt í samræmi við ofantilgreindar breytingar. Í henni verður jafnframt gerð grein fyrir heildstæðum framtíðarhugmyndum í samræmi við auglýsta tillögu til skýringar en ekki til staðfestingar.

Samþykkt með fjórum atkvæðum og þrír sátu hjá.

IV. Þann 17. október 2010 bárust í eftirtaldar athugasemdir frá eigendum Eiðis I, Eiðis II og Ártúns vegna auglýsingar um aðalskipulag Langanesbyggðar 2007-2027

1. Á upprætti aðalskipulags er sýnd gönguleið útivistarstígur vestan Ártúns í átt að Fagranesvegi. Engin gönguleið eða útivistarstígur er á þessum stað. Svæðið sunnan Eiðisvatns hefur verið friðlýst sem fuglavarþ og öll umferð bönnuð. Merking þessarar gönguleiðar, óskast því fjarlæg af skipulagsupprætti. Svo nefndur “Smalamannavegur“, sem er afar torfarinn slóði í einkaeign, er á þessum stað og ef nauðsyn er talin að merkja hann óskast hann merktur rétt á skipulagsupprætti. Eigendur vegarins telja hins vegar ekki rétt að merkja hann á opinberum skipulagsupprætti. Hann er einungis ætlaður smalamönnum, þá fyrst og fremst ríðandi og ekki stendur til að halda honum við.
2. Hringur er sýndur við Eiðishúsið, sem táknað frístundabyggð. Eiðishúsið er lögheimili og lögbýli en ekki frístundabyggð. Þetta óskast leiðrétt.
3. Á Heiðarfjalli (Eiðishyrnu) er sýnd þjónustustofnun. Leigusamningur sá sem gerður var um svæðið milli leigutaka Póst- og símamálastjórnarinnar f.h. Landsíma Íslands og leigusala eigenda Heiðafalls, þ.e. eigenda Eiðis, dags 2. September 1971 er ekki lengur í gildi. Í

samningnum segir. “ Leigutaki hefur rétt til að framleigja öðrum opinberum aðilum, íslenskum, aðstöðu fyrir radióstöðinni “. Við sölu Landssíma Íslands hf. til einkaaðila 2001 féll leigusamningurinn úr gildi eins og sjá má af fyrrnefndu einu aðalákvæði hans. Samningurinn hefur því ekki lagastoð lengur. Eins segir í samningnum: “ Leigutaki hefur rétt til afnota af vegi, er liggur frá Þjóðvegi að radióstöðinni “. Þetta ákvæði er heldur ekki í gildi lengur. Engin lögleg þjónustustofnun er því lengur til staðar á Heiðarfjalli. Þetta óskast því leiðrétt.

4. Á skipulagsupprætti eru sýnd efnistökusvæði. Eitt slíkt í einkaeign er á Heiðarfjalli í landi Eiðis. Þar hefur verið tekin malartegundin “ brunni síðan 1954. Efnistökusvæðið á Heiðarfjalli vantar því á uppráttinn. Þetta óskast leiðrétt.

1) Umhverfis-, skipulags- og byggingarnefnd Langanesbyggðar þakkar ábendingu vegna útvistarstígs vestan Ártúns í átt að Fagranesvegi . Nefndin samþykkir að fella gönguleiðina út af skipulagsupprætti í ljósi athugasemda þannig að ekki sé raunhæft að þarna sé um stofn gönguleið að ræða. Nefndin hvetur hins vegar landeigendur til að tryggja greiða umferð gangandi í útvistar tilgangi um landareign sína samræmi við almannaréttar ákvæði laga um náttúruvernd.

2) Umhverfis-, skipulags- og byggingarnefnd Langanesbyggðar þakkar ábendingu um ranga merkinu á bænum Eiði. Skipulagsgögnin verða lagfærð í samræmi við athugasemdir og merkingin frístundabyggð felld út.

3) Umhverfis-, skipulags- og byggingarnefnd Langanesbyggðar telur ekki forsendur til að fella út skilgreiningu aðalskipulagsins um þjónustustofnun á Heiðarfjalli í samræmi við innkomna athugasemd, enda fellur atriðið er athugasemdin fjallar um ekki undir ákvæði aðalskipulags.

4) Umhverfis-, skipulags- og byggingarnefnd Langanesbyggðar telur sig ekki hafa forsendur til að skilgreina námu á Heiðarfjalli. Nefndin bendir landeigenda á að leggja fram nauðsynleg gögn þannig að möguleiki sé á því að skilgreina svæðið nánar og taka tillit til þess við næstu endurskoðun aðalskipulagsins. og taka tillit til þess við næstu endurskoðun aðalskipulagsins.

Samþykkt með fjórum atkvæðum og þrjú sátu hjá.

V. Þann 16.mars 2011 barst eftirfarandi athugasemd við aðalskipulag Langanesbyggðar 2002 – 2027.

Við undirrituð gerum eftirfarandi athugasemdir við að það skuli vera skipulagt iðnaðarsvæði á jörðinni okkar Felli í Bakkafirði (landnr. 156358).

- (1) Ekkert samráð var haft við okkur við gerði skipulagsins sem er í þversögn við 12. gr. skipulagsslaga nr. 123/2010 (sbr. 9.gr. skipulags- og byggingarlaga 73/1997), en þar segir m.a. „við gerð skipulagsáætlana skal eftir fönngum leita eftir sjónarmiðum og tillögum íbúa, viðkomandi stjórnvalda og annarra þeirra sem hagsmuna eiga að gæta um mörkun stefnu.“

- (2) Þar sem skipulagið nær yfir allt okkar eignarland hljótum við að teljast sem einn þeirra hagsmunaaðila sem samband átti að hafa við strax við gerð skipulagsins, enda óeðlilegt að við fréttum þetta fyrst á almennum íbúafundi á Bakkafirði.
- (3) Við erum í uppbyggingu á sauðfjárþú og ef að skipulagið verður samþykkt þá eru hendur okkar bundnar í öllum framkvæmdum sem til þarf í sambandi við sauðfjárþúskap, ásamt því að takmarka aðra nýtingarmöguleika landeignarinnar, t.a.m. við uppbyggingu ferðapjónustu.
- (4) Jafnframt er óljóst hvaða afleiðingar skipulagið mun hafa fyrir virði jarðarinnar. Óraunhæft skipulag mun varla hækka verðgildi jarðarinnar ef aldrei verður ráðist í framkvæmdir, sem enn fremur getur skapað búsetufjötra, þar sem hvorki er hægt að byggja upp né flytja.
- (5) Óeðlilegt er að sveitarfélagið sé að gera íþyngjandi skipulag fyrir svæði sem það ekki á og án þess að nokkuð sé í hendi hvað snertir mögulegar framtíðar hafnarframkvæmdir. Nær væri að staðfesta núverandi aðalskipulag án umtalsverðra breytinga á skipulagi Finnarfjarðar frá fyrra skipulagi – og leggja meiri vinnu í skipulag athafnasvæðisins en nú hefur verið gert og í nánari samvinnu við landeigendur.

Af framangreindum ástæðum lýsum við okkur andsnúin aðalskipulagstillögu fyrir Langanesbyggð 2007-2027 og höfnum því jafnframt að láta af hendi landsvæði undir iðnað þann sem þar um ræðir.

1. *Umhverfis-, skipulags- og byggingarnefnd Langanesbyggðar þakkar ábendingu frá landeigendum Fells. Nefndin getur ekki fallist á athugasemd um skort á samráði og bendir á fjölda funda sem haldnir voru um skipulagið á meðan að vinna við það stóð yfir. Einnig bendir nefndin á að frestur til að skila inn athugasemdum rann út þann 18. nóvember 2010.*

Reimar vék af fundi og Steinunn Leósdóttir kom inn í hans stað.

Samþykkt með fjórum atkvæðum, einn á móti og tveir sátu hjá.

VI: Þann 17.mars 2011 barst eftirfarandi athugasemd við aðalskipulag Langanesbyggðar 2007 – 2027.

Við undirrituð gerum eftirfarandi athugasemdir við aðalskipulag Langanesbyggðar 2007-2027:

Gert er ráð fyrir því í aðalskipulaginu að hluti jarðar okkar, Miðfjarðarness í Bakkafirði, fari undir iðnaðarsvæði. Þrátt fyrir það var ekkert samráð haft við okkur um gerð skipulagsins og þykir okkur það óeðlilegt, enda er það ekki í samræmi við 12.gr. skipulagsslaga nr. 123/2010.

Í skipulaginu er gert ráð fyrir að hluti af túnnum og beitolandi okkar fari undir iðnaðarsvæði sem hlýtur að rýra mjög gæði jarðarinnar sem sauðfjárjarðar og gera mikinn hluta af uppbyggingu sauðfjárþús okkar að engu. Að þeirri uppbyggingu höfum við unnið hörðum höndum síðan við tókum við þúskap hér á Miðfjarðarnesi árið 2006.

Þá þykir okkur það ekki fýsilegur kostur að búa á jörð þar sem nágrannajarðirnar og hluti af okkar jörð verður tekinn undir iðnaðarsvæði, og hæpið að hægt sé að vera með matvælaframleiðslu við þær aðstæður.

Af þessum ástæðum lýsum við okkur andsnúin aðalskipulagstillögu fyrir Langanesbyggð 2007-2027. Jafnframt höfnum við því að láta af hendi nokkurn hluta af landsvæði okkar undir þann iðnað sem þar um ræðir.

1. Umhverfis-, skipulags- og byggingarnefnd Langanesbyggðar þakkar ábendingu frá ábúendum í Miðfjarðarnesi um að hluti túna þeirra falli undir athafna- og iðnaðarsvæði í Finnafirði. Nefndin getur ekki fallist á athugasemd um skort á samráði og bendir á fjölda funda sem haldnir voru um skipulagið á meðan að vinna við það stóð yfir. Einnig bendir nefndin á að frestur til að skila inn athugasemdum rann út þann 18. nóvember 2010.

Reimar kemur aftur inn á fundinn og Indriði vísar af fundi.

Samþykkt með fjórum atkvæðum, tveir sitja hjá og Reimar Sigurjónsson er á móti.

Bókun frá Reimari Sigurjónssyni: Reimar gerir athugasemd við þá ákvörðun USB að svara ekki innsendu erindi eins og það hafi borist á réttum tíma, þ.e. fyrir 18.nóvember 2010.

Aðalskipulagið borið upp í heild sinni og er það samþykkt með 5 atkvæðum, tveir á móti.

Bókun frá Reimari Sigurjónssyni: Reimar er á móti stóriðju eins um ræðir í aðalskipulaginu í Finnafirði.

Fleira ekki gert, fundargerðin lesin upp og samþykkt samhljóða.
Fundu slitið kl. 22:20